


# **FEM Anjur Persidangan Antarabangsa Cabaran Ekologi Manusia**

**Oleh Syifarida Muhamad ZakiFoto oleh Marina Ismail**



**PUTRAJAYA, 18 April** - Fakulti Ekologi Manusia (FEM), Universiti Putra Malaysia (UPM) menganjurkan Persidangan Antarabangsa Ekologi Manusia

(HEIC 2017) bagi memperkasa dan meningkatkan keupayaannya di dalam bidang penyelidikan sains sosial terutamanya di dalam Kluster Kemanusiaan dan Pembangunan Nusa Bangsa.

Timbalan Perdana Menteri, Dato' Seri Dr. Ahmad Zahid Hamidi berkata persidangan itu boleh memberi input kepada penggubalan polisi ke arah dunia yang lebih selamat.

“Penganjuran persidangan ini dapat menggariskan resolusi untuk menjadi pemacu dan landasan bagi keseimbangan ekosistem manusia,” katanya ketika merasmikan HEIC 2017 di sini.

Naib Canselor UPM, Prof. Datin Paduka Dr. Aini Ideris pula berkata persidangan itu dapat mengupas cabaran ekilogikal yang dihadapi dunia.

“Misi kita supaya dapat memberi manfaat kepada masyarakat terutama kepada generasi akan datang dengan keseimbangan ekosistem manusia untuk dinikmati oleh keluarga, masyarakat dan negara dalam persekitaran yang dinamik,” katanya.

Pengerusi HEIC 2017, Prof. Madya Dr. Haslinda Abdullah pula berkata HEIC 2017 bertemakan “*Towards a Safer World: Addressing the Dynamics of Human Ecological Challenges*” itu menghimpunkan lebih 200 penyelidik, pelaksana dan pembuat dasar dari pelbagai bidang berkaitan ekologi manusia dalam dan luar negara.

“Persidangan ini bertujuan untuk mengupas mengenai ketamadunan, agama dan nilai, pengurusan sumber, pembangunan komuniti, pembangunan kanak-kanak, belia dan dewasa, dan tingkah untuk menangani cabaran yang dihadapi oleh keluarga, masyarakat dan negara dalam persekitaran yang dinamik,” katanya.

Persidangan itu dianjurkan dengan kerjasama Kementerian Perdagangan Dalam Negeri, Koperasi Dan Kepenggunaan (KPDNKK), Kementerian Belia dan Sukan (KBS), Kementerian Dalam Negeri, Kementerian Luar, Yayasan Sime Darby, Petronas Cari Gali Sdn Bhd, Khazanah Nasional Berhad dan Microsoft Corporation (M).

Kemaskini:: 21/04/2017 [syifarida]